

4. *Gloria*, respectu electorum.
5. *Ignominia*, respectu damnatorum, de priori nos agimus.
2. Integritatem non *simplicem*, sed *multiplicem* intelligo. Aggregatus est status integritatis, & comprehendit in se integritatem mentis, voluntatis, motuum appetituum, corporis, potestatis & dominii in creaturas, societatis humanæ, voluptatis in Paradiso, felicitatis temporalis & æternæ.  
Vocatur etiam status *innocentia*.
3. Innocentia, quæ æquipollere dicitur integritati non est concipienda *infantilis*, sed *virilis*. Aliqui priorem intelligunt.
4. Innocentia dicitur vel *absolutè*, vel *comparatè*. Prior est, quando quis penitus caret culpâ; posterior est, quando quis non *omni*, tamen *tali & tantâ* caret culpâ. Protoplasti priori modò fuerunt innocentes. Infantes posteriori modò dicuntur.
5. Innocentia hæc non est nomen *defectus* vel *carentia*, uti infantes dicuntur, qui careant notitiâ; sed est nomen *perfectionis & justitiæ*.
6. Status innocentia hæc sensu demum æquipollet statui integritatis.

### III. Prima primorum.

1. Ad excludendum statum (hæc) priorem, qualis fingitur esse *puro- rum naturalium*.
2. Pura naturalia vocantur non *positivè*, sed *negativè*. Priori modò puritas est synonymum Sanctitatis; posteriori modò excluditur id, quod naturæ est superadditum.
3. Titulus puritatis non est nomen *perfectionis*, sed *imperfectiois*, formaliter enim indicat carentiam. Titulum *merorum naturalium* præferunt hodiè novatores puris naturalibus.
4. Puritas illa non excludit tantum *malitiam*, sed etiam omnem *bonitatem*.
5. Malitia tamen cum duplex sit alia *naturalis*, alia *moralis*; Prior est imperfectio adhærens naturæ, posterior est, quando quis contra mores peccat, ubi vitium est in moralitate actuum agentis naturalis.
6. Excludunt pura naturalia, non malitiam *naturalem*, sed *moralem*.
7. Etiam si non concedant adversarii, tamen etiam pura naturalia malitiam moralem includunt. Nam ad pura naturalia pertinet pugna appetituum sensitivi cum ratione; Nunc illa pugna non potest non vocari